

LA USC DI LADINS – VENERDÌ 30 AGOSTO 2013

Rai Radio Ladin

Na lingia de programes de letradura ladina moderna dai 7 de setember. Con sabeda ai 7 de setember scomenza via da les 19.05 a les 19.30 na lingia de programes culturèi dediché a la letradura ladina moderna. La letradura l'é l cher de n lengaz, canche chela cresc e vegn valorisèda e aprijièda, cresc l lengaz te si formes e te so prestije. L domesdì leterèr alalèrgia metù a jir da l'Union di Ladins de Gherdëina l'é stat ocajion per cognoscer autores da desvaliva valèdes ladines. En particolèr chest an l domesdì leterèr é vegnù dedicà a 5 eles: Tiziana Ghedina de Ampez, Olimpia Rasom de Fascia, Ruth Videsott da la Val Badia, Rut Bernardi e Elisabeth Kostner de Gherdëina. Con vigniuna de chesta eles l'é vegnù fat n program radio olache podaron scutèr sù si tesé e na curta intervista per cognoscer miec l'autora. Tel prum program intervista con Milva Mussner vize-presidenta de l'Union di Ladins de Gherdëina e l'autora Rut Bernardi. Program de Anna Mazzel. I programes é da scutèr sù ence da podcast su www.raibz.rai.it.